

تاریخ عثمانی انجمنی

مجموعہ سی

ایک آیدہ برنشر اولنور

مندرجات

- طوپقبو سرای مایونی (مابعد وختام) عبدالرحمن شرف
 علمدار مصطفی پاشا (مابعد) افضل الدین
 قره مان اوغللری حقندہ و تائق محکوکہ (مابعد) خلیل ادہم
 منتشا اوغللری توحید
 رمضان اوغللری ازہیت متصرفی نزهت
 پیلووغرافیا (سرای بوسندہدہ اینیہ خیربہ نک مصور تاریخی)
 تفرقہ: تاریخ سلطان محمد ثانی. مؤلفی قریتووولوس. مترجمی قارولیدی .

فیثائی ہ غروش

مرجمی — باب عالی تاریخ عثمانی انجمنی

استانبول

مطبعہ عثمانیہ

مطبعہ عثمانیہ

۱۳۲۹

منتشا اوغلری

روم سلجوقی دولتک اتراضیه بولوندیغی ولایتده اعلان استقلال
ایدن امرادن بری ده منتشا بک در .

منتشا اوغلرینک دائره حکومتی منجم باشی قولنجه مغله ، بلاط ،
بوز اویوک ، میلاس ، بچین (برجین) مارین ، چینه ، طواس ، بورناز ،
مکری ، کویجکیز قصبه لرینه منحصر ایدی .

مالک الانصار منتشا ایلمی فوکه (فوج) نامیله ذکر ایدیور .
صاحی اورخان بن منتشانک الی قدر شهری و ایکی یوز قدر قلعه سی
ویوزیکدن زیاده عسکری اولدیغی و برآ و بجزاً جهادله مشغول بولوندیغی
مبالغه لی تمیرات ایله افاده ایله یور وانا طولیده کرمان اوغلرندن سوکره
اک ایلروکلن امرادن بولوندیغی جنوبز بلبان (بلبان الجنوی) دن ققلا
بازیور . شیخ حیدر عریان دن ققلا مملکت ملاس بلاد ابن منتشا ، نک
قوه عسکره سی اوچ بیک سواریدن عبارت اولدیغی بیان ایدیورکه
عقله قریب اولانی ده بودر . نه سیه مینی ایسه جنوبز بلبان کرمان ومنتشا
اوغلرینی مصر لیرک انظارنده بک بویومشدر .

منتشا بکک پدری امرای سلجوقیه دن حاجی بهاء الدین کردی نامنده
بر ذات ایمش . شکاریدن ققلا منجم باشی احمد اقدینک بیانه کوره
حاجی بهاء الدین سیواس والیسی ایمش قرمانک باشی نورالدین - که
بالآخره نوره صوفی عنوانیله اشتهار بولمشدر - سیواسی حاجی بهاء الدیندن
غوغا ایده رک آلمش . شکارینک بوروایتدن آکلاشیلان حاجی بهاء الدینک
الیوم منتشا ایلی ذیلن محللره مأموریتدن اول برمدت سیواس والیلکنده
بولومش اولماسیدر . لکن ظن حقیرانه بجه بهاء الدین ایله مقاتله ایدن
نوره صوفی دکل حیددی محمد بک در . جبری وقعه سنده قونییه یی ضبط
ایدن قرمان اوغلی محمد بک ملک ساحل بهاء الدین [۱] نامنده بر ذاتی
قتل ایتمشدرکه منتشا بکک پدری حاجی بهاء الدین بوذات اوله کرکدر .

۱ - منتشا بك بن بهاءالدين

تخمینه کوره پدرینک شهادتندن سوکره منتشا بك اوج بیکی ویاخود ملك ساحل یعنی قبودان دریا اوله‌رق روم سلجوقی دولتک تابعیتده بر خیلی مدت قالمش وایلخانیرك تغلی ایله خاندان سلجوقی‌مدرس اولونجه منتشا بك‌ده یدنده بولونان مالکی اغیاردن صیانة اعلان استقلال ایتشدرد . منتشا بكك نه قدر مدت حکمران اولدینی ونه تاریخده وفات ایتدیگی مجهولدر .

۲ - اورخان بن منتشا

ابن بطوطه سیاحتنامه‌سده منتشا بكك اوغلی شجاع‌الدين اورخان بیکی میلانده زیارت ایتدیکنی و اورخان بكك سرای میلانده ایکی میل مسافده کاشن برجین (بحین) ده اولوب بوقصبده کوزل بنالر بولوندیقتی و برجامه باشلامش ایسده هنوز آمام ایديله مدیکنی [۲] یازیور . اورخانک‌ده تاریخ وفاتی حقنده بر معلوماته دستری اولامادم .

۳ - ابراهیم بن اورخان

باباسنک حیانتده مغلده بولونمش اولان ابراهیم بیکی زیارت ایتدیکنی ابن بطوطه یازیور . [۳]
ابراهیم حقندهده برقید تاریخی الدوایده‌مدم .

۴ - احمدغازی بن ابراهیم

بوژاندن اولیاچلی بحت ایدیور اسکی حصاری [۴] ۷۰۰ تاریخده [۱] بهاءالدين ملك السواحل بمرتبه شهادت رسانیدند . - مختصر سلجوقنامه ابن بی بی لید - هوتسا طیبی صیفه ۳۲۵
[۲ و ۳] رحله ابن بطوطه مصر طیبی جلد اول صیفه ۲۲۰
[۴] اسکی حصارک نام قدیمی «استراتونیکه آ» در . سوریه حکمداری انطیوخوس سوتیر بوشهری زوحه‌سی «استراتونیکه آ» نامنه تأسیس ایتشدرد .

ضبط ایتدیکنی و تره‌سی و عیالک تره‌سی بچین ده بولوندیقتی و میلاسه کوزل برجامی اولدیغی حکایه ایدیور . منتشا اوغللرینک تاریخی ایجه تتبع اتمک ایچون میلاس و بچین ایله جوارلرین کزوب کورمک ضروریدر . اولیا چلی دن زیزده عیناً نقل ایتدیکم کتابه به کوزه احمد غازی یدیور سکان تاریخنه قدر برجات ایدی .

۵ - محمد بن ابراهیم

الیاس بکک بلاطده کاشن جامنده کی کتابه به وسکالریته نظر آ پدیرینک اسمی محمددر . حالبوکه عثمانی تاریخلری الیاس بکی یعقوب بکک مخدومی اولوق اوزره یازارلر . یعقوب بک نامنده منتشا اوغللرندن برذات اولوب اولمادیغی تحقیق ایده‌مدم محمد بک نامنه کلمش کوش برپاره موجود اولمائه نظرآ مشار الیهک حکومت ایتدیکی شهه‌دن آزاده‌در .

۶ - الیاس بن محمد

۷۹۲ - ۷۹۱ برنجی دفعه

۸۲۴ - ۸۰۵ ایکنجی دفعه

ییلدیرم سلطان بایزید خانک حین جلوسنده قرمان اوغلنک تشویق‌له اناطولیده دولت عثمانیه علیهنده براتفاق تشکل ایتشیدی منتشا اوغلی الیاس بک‌ده بو اتفاقه داخل اولمشیدی . ییلدیرم اولا آیدین بکنی بعده صاروخان امیرخی یعنی دشمنلرخی برر برر منقاد ایتدیکن صوکره منتشا اوغلنه هجوم ایتدی الیاس بک مقاومت ایده‌میه بکنی آکلایوب سینوبه فرار ایله‌دی .

۷۹۲ دن ۸۰۵ تاریخنه قدر منتشادیاری عثمانیلر یندنه قالدی . حتی بومدت ظرفنده ۷۹۷ تاریخنده میلاسه ده کولک‌جامع نامنده برجام شریف یاپلشدرباب عالی قارشوسنده بشیراغا کتبخانه‌سنده برنسخه‌سی بولنان اولیاچلی سیاحتامه سنک طقوزنجی جلدنده ورق ۵۲ بو جامعک کتابه‌سی محرر اولغله عیناً نقل اولوندی :

« بسم الله الرحيم امر بانشاء هذه الصمارت المباركة في ايام دولت الملك
السلطان جلال الدين بايزيد خان بن مراد خان بن اورخان بن ال عثمان
عز نصره منان سارالدين [مبارزالدين سان اولماليدر] بن خواجه پيراوز
بك دام عزه وزاد توفيقه وعمره من يوم الاحدى [الاحد اولاجق]
في السادس والعشرين في صفر الحير لسنة سبع وتسعين سبعمائة « انقره
وقه سندن صوكره الياس بك ممالكنى تكرار الده ايتمش ووقاتی تاريخی
اولان ۸۲۴ سنه [۱] قدر محافظه ايده بيلمشدر . ۸۱۸ تاريخده
الياس بكك چلي سلطان محمد خان نامنه سكه ضرب ايتمشده كي سبي
موضح بر قيد تاريخی بولامادم .

ليث بن الياس

۸۲۹ - ۸۲۴

الياس بكك اويس واحد نامرندہ ايكي اوغلي اولوب الياس بك
حال حياتنده بونلری - خواجه سعدالدين افنديك تصويراتی وجهه -
« شبه تضاد ازاله سيچون دركاه جهانپناه صوبنه ارسال ايتدی . » [۲]
بوروايتده مطبوع عثمانلی تاريخلری متفقدرلر . حالبوکه انكلتره موزه سنده
بولونان مسكوكات اسلاميه ميانده ۸۲۴ تاريخلی آتی التعريف برسكده
الياس بكك ليث اسمنده برخدومی اولدينی آكلاشيلبور . ليث بز
تاريخلرك اويس ديدكلری ذاتميدر اندن غيرميدر چندان معلوم دكلسه ده
ليث اسمی اويس شكلنده يازمش اولماسی محتملدر . شاید ليث ايله اويس
بردكل ايسه ليثك ۸۲۹ ده وقاتی اوزرينه اويس ايله احمد متشا ديارينه
فرار ايتمهك تصدی ايتدكلرندن ايکيسی ده طوتيلوب توقادده مشهور چارطاق
بدوی ده حبس اولونديلر . ايكي سنه صوكره احمد فراره موفق اولدی .
آق قيونلو قره عثمانه التجا ايتدی برمدت صوكره ده مصره كيتمش وصوكره

[۱] تاج التواريخ جلد اول صفحه ۳۰۶

[۲] تاج التواريخ جلد اول صفحه ۳۲۲

تكرار ايرانه كچوب بىدە آدى بائىمش اولدينى تاج التوارىنخده خواجه سعدالدين افندى يازىيور . فاتح سلطان محمد خان ثانى حضرتلرىنك ۸۵۵ تارىنخده ايكنجى (و برروايتە كوره اوچنجى) دىفە سلطنتدە قرمان اوغلى ابراهيم بىكك تشويقىلە منتشا اوغللىرىن بىرى ظهور ايتىش اولدينى تارىنخدرمز يازارلر اما نە اسمى نەدە كىمك اوغلى اولدينى بىلدىرلر .

منتشا اوغللىرى كىتابەلىرى

مىلاس دە غازى احمد بك جامى كىتابەسى :

بسم الله الرحمن الرحيم بنى هذه الجامع الكبير الاميرالمعظم السلطان المكرم مالك رقاب الامم مولى ملوك العرب والمعجم غازى احمد بك طولت الله عمره [و] ابن المرحوم المغفور السيد المسعود انبتم الله بحبوب الجنات ابراهيم بك بن اورخان غازى بن ابلستان (؟) فرغ من عمارة هذه الجامع الجديد فى اول جازى الاخر سنة ثمانين وسبعمائه

انجمن اعضاى معاونەسندن وارباب دانشدن مير آلاى متقاعدى على رضا بك افندى بو كىتابەنى وطوائف ملوكه عائد دىكر كىتابەلىرى سىمىيە كىتبخانەسندە بولونان اوليا چلبى سياحاتمەسندن استساخله بندە كىزه اعطا ايتىك لىقندە بولوندى . مير موسى اليه خاصة تشكر ايدرم .

بلاطدە الياس بك جامى كىتابەسى :

(۱) لما وفق الله تعالى شانه وعظم برهانه الاميرالمعظم والملك المفخم اعظم

(۲) اعظم الامراء فى العالم رافع مراتب العلم الى الغاية القصوا مظهر

كلمة الله العليا السلطان شجاع

(۳) الدين الياس بن محمد بن ابراهيم بن اورخان خلد الله مملكته


وضع بيده بناء هذه العمارة الشريفة فى ذى القعدة من شهر عام ۸۰۶

بو كىتابەنىك وقىلە بر صورتى موسى اليه على رضا بك افندى و بو

جامع شريفك قبوسيله جبهەسى اراة ايدن بر فوطوغرافى يىدە موزة

هايون مديرى خليل بك افندى لطف ايتىش ايدى . انافس آثار

اسلامیہ دن اولان جامع مذکورک رسنی مجموعہ مزہ درج ابتدک .



متشا اوغللرینہ متعلق دیگر کتابہلر بولونماسی مامول قویدر .
انلرده الہہ ایدلہکجه نشر ایدیلہ جکدر .

مکوکات

منتشا اوغللرینک ده ژیقلیاتی شکلنده مکوکاتی بولوندینی موسیو شلومیرزه نك اثرنده مندرجدر . بوسکه لرك برندن بلاطك (Palatia) نام دیکری اورخانیه اولدینی آ کلاشیلور .

خطوط عربیه ایله مکوک منتشا اوغللری پاره لرینه کلنجه — مکوکات عتیقه مراقیلیری بیننده تانار اورخانی نامیه یاد اولونان وانواع عدیده سی بولونان — کوش پاره لر منتشا اوغلی اورخان بکک اولماید زعمنده ایم . هنوز ابراهیمک مکوکاتی کورولمده دی .

احمد غازی نامنه مضروب برکوش سکه اسفندیار اوغللرینک دیکر مکوکاتنه مشابتهی جهته قزل احمدک اولمق اوزره موزه هایون عثمانینک دردنجی قسم قتالوغنده ۸۶۴ نومروده (محفیه ۴۲۲) تعریف اولونمشیدی . بوسکه نك منتشا اوغلی احمد بکک اولماسی وارد خاطر اولمقده در . ینه احمد غازی نامنه کلش برباقر سکه نی یوقاروده ذکر جمیل کچن علی رضا بک اقدی بو حقیقه هدیه ایتمشیدی بوسکه نك بر طرفده کلمه توحید دیکر جهته « خلدالله | ملکه | احمد غاز | ی ، محرردر . محمد بن ابراهیمک کوش برپاره سی موزه هایون عثمانیده بولونمقده در که بوسکه نادره دردنجی قسم قتالوغنک نثرندن برخیلی زمان صوکره الهه ایدلشدر . بوپاره نك بر وجهنده کلمه توحید ونسه ضرب محرردر لکن نسه ضرب حل اولونامادی دیکر جهته شویله یازیلیدر :

محمد بن ابراهیم

خلد ملکه

—

الیاس بکک ۸۰۵ تاریخی کوش پاره سی ایله تاریخسز برباقری موزه هایون عثمانینک سابق الذکر دردنجی قسم قتالوغنک ۷۹۶ و ۷۹۵ نومرولرنده

تعریف ایدلشدر . اخیراً مشارالہک تاریخسز کوشلری دہ بولوندی
ظن عاجزانہ کورہ بوتاریسز کوشلر الیاس بکک ایلک دفعہ سلطنتہ
مخصوصدر . ایام اخیرہدہ چلی سلطان محمدخان نامہ الیاس بکک کدیرمش
اولدینی ۸۱۸ تاریخی اچہلردہ بولوندی . بواچہلردہ کی یازیلر شویلدہ در :

محمد	بایزید خان
—————	—————
الیاس بن	محمد بن
—————	—————
زید عمرہ	۸۱۸

بو پارہ نک قرائتندہ ایکنجی سطرلردن باشلانیلہرق « محمد بن بایزید
خان ۸۱۸ » وہ الیاس بن محمد زید عمرہ « اوقونہ جقدر .
لیکک مسکوکاتندن الہ ایدہ مہدم . موزہ ہایون عثمانیدہدہ یوقندر .
انکلتہ موزہ سندہ برکوش پارہ سی موجوددر کہ مذکور موزہ نک مسکوکات
اسلامیہ قتالوغنک سکزنجی جلدندن یازیلری زیرہ عیناً نقل اولوندی :

خلد	لیت
—————	بن
۸۲ ۴	الیاس
—————	بن
ملکہ	محمد

احمد توحید